

(सप्तमोऽध्यायः ॥ वर्गाः 1-30)

(8)

19

(म. 10, अनु. 2)

ऋषिः मथितः यामायनः, भृगुः वारुणिः वा, भार्गवः च्यवनः वा छन्दः अनुष्टुप् 1-5, 7-8, गायत्री 6
देवता आपः गावः वा/अग्नीषोमौ 1, आपः गावः वा 2-8

नि वर्तध्वं मानुं गातास्मान्तिषक्त रेवतीः । अग्नीषोमा पुनर्वसू अस्मे धारयतं रयिम् ॥ 1 ॥
पुनरेना नि वर्तय पुनरेना न्या कुरु । इन्द्र एणा नि यच्छत्वग्निरेना उपाजतु ॥ 2 ॥
पुनरेता नि वर्तन्तामस्मिन् पुष्यन्तु गोपतौ । इहैवाग्ने नि धारयेह तिष्ठतु या रयिः ॥ 3 ॥
यन्नियानं न्ययनं संज्ञानं यत्परायणम् । आवर्तनं निवर्तनं यो गोपा अपि तं हुवे ॥ 4 ॥
य उदानुड व्ययनं य उदानट् परायणम् । आवर्तनं निवर्तनमपि गोपा नि वर्तताम् ॥ 5 ॥
आ निवर्तु नि वर्तय पुनर्न इन्द्र गा देहि । जीवाभिर्भुनजामहै ॥ 6 ॥
परि वो विश्वतो दध ऊर्जा घृतेन पर्यसा । ये देवाः के च यज्ञियास्ते रय्या सं सृजन्तु नः ॥ 7 ॥
आ निवर्तन वर्तय नि निवर्तन वर्तय । भूम्याश्चतस्रः प्रदिशस्ताभ्य एना नि वर्तय ॥ 8 ॥

(10)

20

(म. 10, अनु. 2)

ऋषिः विमदः ऐन्द्रः, प्राजापत्यः वा, वसुकृत् वासुकः वा
छन्दः एकपदा विराट् 1, अनुष्टुप् 2, गायत्री 3-8, विराट् 9, त्रिष्टुप् 10 देवता अग्निः

भद्रं नो अपि वातय मनः ॥ 1 ॥
अग्नीमीळे भुजां यविष्ठं शासा मित्रं दुर्धरीतुम्
यस्य धर्मन्त्स्वरेनीः सपर्यन्ति मातुरूधः ॥ 2 ॥
यमासा कृपनीळं भासाकेतुं वर्धयन्ति । भ्राजते श्रेणिदन् ॥ 3 ॥
अर्यो विशां गातुरेति प्र यदानुड दिवो अन्तान् । क्विरभ्रं दीद्यानः ॥ 4 ॥
जुषद्धव्या मानुषस्योर्ध्वस्तस्थावृभ्वा युजे । मिन्वन्त्सन्न पुर एति ॥ 5 ॥
स हि क्षेमो हविर्यज्ञः श्रुष्टीदस्य गातुरेति । अग्निं देवा वाशीमन्तम् ॥ 6 ॥
यज्ञासाहं दुर्व इषेऽग्निं पूर्वस्य शेवस्य । अद्रेः सूनुमायुमाहुः ॥ 7 ॥
नरो ये के चास्मदा विश्वेत्ते वाम आ स्युः । अग्निं हविषा वर्धन्तः ॥ 8 ॥
कृष्णः श्वेतोऽरुषो यामो अस्य ब्रध्न ऋद्र उत शोणो यशस्वान्
हिरण्यरूपं जनिता जजान ॥ 9 ॥
एवा ते अग्ने विमदो मनीषामूर्जो नपादमृतेभिः सजोषाः
गिरु आ वक्षत्सुमतीरियान इषमूर्जं सुक्षितिं विश्वमाभाः ॥ 10 ॥

(8)

21

(म. 10, अनु. 2)

ऋषिः विमदः ऐन्द्रः, प्राजापत्यः वा वसुकृत् वासुकः वा छन्दः आस्तारपङ्क्तिः देवता अग्निः

आग्निं न स्ववृक्तिभिर्होतारं त्वा वृणीमहे
यज्ञाय स्तीर्णबर्हिषे वि वो मदे शीरं पावकशोचिषुं विवक्षसे ॥ 1 ॥

त्वामु ते स्वाभुवः शुभन्त्यश्वराधसः	
वेति त्वामुपसेचनी वि वो मद ऋजीतिरग्र आहुतिर्विवक्षसे	2
त्वे धर्माण आसते जुहूभिः सिञ्चतीरिव	
कृष्णा रूपाण्यर्जुना वि वो मदे विश्वा अधि श्रियो धिषे विवक्षसे	3
यमग्रे मन्यसे रयिं सहसावन्नमर्त्य।तमा नो वाजसातये वि वो मदे यज्ञेषु चित्रमा भ्रा विवक्षसे	4
अग्निर्जातो अथर्वणा विदद्विश्वानि काव्या	
भुवद्भूतो विवस्वतो वि वो मदे प्रियो यमस्य काम्यो विवक्षसे	5
त्वां यज्ञेष्वीळतेऽग्रे प्रयत्यध्वरे।त्वं वसूनि काम्या वि वो मदे विश्वा दधासि दाशुषे विवक्षसे	6
त्वां यज्ञेष्वृत्विजं चारुमग्रे नि षेदिरे	
घृतप्रतीकं मनुषो नि वो मदे शुक्रं चेतिष्ठमक्षभिर्विवक्षसे	7
अग्रे शुक्रेण शोचिषोरु प्रथयसे बृहत्	
अभिक्रन्दन्वृषायसे वि वो मदे गर्भं दधासि जामिषु विवक्षसे	8

(15)

22

(म. 10, अनु. 2)

ऋषिःविमदः ऐन्द्रः, प्राजापत्यः वा, वसुकृत् वासुकः वा छन्दः पुरस्ताद्ब्रह्मती 1- 4, 6, 8, 10- 14, अनुष्टुप् 5, 7, 9, त्रिष्टुप् 15	देवता इन्द्रः
---	---------------

कुहं श्रुत इन्द्रः कस्मिन्नद्य जनं मित्रो न श्रूयते । ऋषीणां वा यः क्षये गुहा वा चकृषे गिरा	1
इह श्रुत इन्द्रो अस्मे अद्य स्तवै वृञ्चयीषमः । मित्रो न यो जनेष्वा यशश्चक्रे अस्माम्या	2
महो यस्पतिः शर्वसो अस्माम्या महो नृम्णस्य तूतुजिः।भर्ता वज्रस्य धृष्णोः पिता पुत्रमिव प्रियम्	3
युजानो अश्वा वार्तस्य धुनीं देवो देवस्य वज्रिवः। स्यन्ता पथा विरुक्मता सृजानः स्तोष्यध्वनः	4
त्वं त्या चिद्वात्स्याश्वागां ऋज्रा त्मना वहध्वै । ययोर्देवो न मर्त्यो यन्ता नर्किर्विदार्यः	5
अधु ग्मन्तोशनां पृच्छते वां कदर्या न आ गृहम्। आ जग्मथुः पराकाद्विवश्च ग्मश्च मर्त्यम्	6
आ न इन्द्र पृक्षसेऽस्माकं ब्रह्मोद्यतम् । तत्त्वा याचामहेऽवः शुष्णं यद्धन्नमानुषम्	7
अकर्मा दस्युरभि नो अमन्तुरन्यत्रतो अमानुषः । त्वं तस्यामित्रहन् वधर्दासस्य दम्भय	8
त्वं न इन्द्र शूर शूरैरुत त्वोतासो बर्हणा । पुरुत्रा ते वि पूतयो नवन्त क्षोणयो यथा	9
त्वं तान् वृत्रहत्ये चोदयो नृन् कार्पाणे शूर वज्रिवः।गुहा यदी कवीनां विशां नक्षत्रशवसाम्	10
मक्षू ता त इन्द्र दानाप्रस आक्षाणे शूर वज्रिवः।यद्ध शुष्णस्य दम्भयो जातं विश्वं स्यावभिः	11
माकुर्ध्रगिन्द्र शूर वस्वीरस्मे भूवन्नभिष्टयः । वयंवयं त आसां सुप्ते स्याम वज्रिवः	12
अस्मे ता त इन्द्र सन्तु सत्याहिंसन्तीरुप्स्पृशः । विद्याम् यासां भुजो धेनूनां न वज्रिवः	13
अहस्ता यदपदी वर्धत क्षाः शचीभिर्वेद्यानाम्। शुष्णं परि प्रदक्षिणिद्विश्वायवे नि शिश्रथः	14
पिबापिबेदिन्द्र शूर सोमं मा रिषण्यो वसवान् वसुः सन्	
उत त्रायस्व गृणतो मघोनो महश्च रायो रेवतस्कृधी नः	15

(7)

23

(म. 10, अनु. 2)

ऋषिः विमदः ऐन्द्रः, प्राजापत्यः वा, वसुकृत् वासुकः वा
छन्दः त्रिष्टुप् 1, 7, जगती 2-4, 6 अभिसारिणी 5 देवता इन्द्रः

यजामह इन्द्रं वज्रदक्षिणं हरीणां रथ्यं विव्रतानाम् |
प्र श्मश्रु दोधुवदूर्ध्वथा भूद्वि सेनाभिर्दयमानो वि राधसा || 1 ||
हरी न्वस्य या वने विदे वस्विन्द्रो मघैर्मघवा वृत्रहा भुवत् |
ऋभुर्वाज ऋभुक्षाः पत्यते शवोऽव क्षणौमि दासस्य नाम चित् || 2 ||
यदा वज्रं हिरण्यमिदथा रथं हरी यमस्य वहतो वि सूरिभिः |
आ तिष्ठति मघवा सनश्रुत् इन्द्रो वाजस्य दीर्घश्रवसस्पतिः || 3 ||
सो चिन्नु वृष्टिर्युथ्याः स्वा सचाँ इन्द्रः श्मश्रूणि हरिताभि पृष्णुते |
अव वेति सुक्षयं सुते मधूदिद्धनोति वातो यथा वनम् || 4 ||
यो वाचा विवाचो मृध्रवाचः पुरु सहस्राशिवा जघान |
तत्तदिदस्य पौंस्यं गृणीमसि पितेव यस्तविषीं वावृधे शवः || 5 ||
स्तोमं त इन्द्र विमदा अजीजनन्नपूर्व्यं पुरुतमं सुदानवे |
विद्या ह्यस्य भोजनमिनस्य यदा पशुं न गोपाः करामहे || 6 ||
मार्किर्न एना सख्या वि यौषुस्तव चेन्द्र विमदस्य च ऋषेः |
विद्या हि ते प्रमतिं देव जामिदस्मे ते सन्तु सख्या शिवानि || 7 ||

(6)

24

(म. 10, अनु. 2)

ऋषिः विमदः ऐन्द्रः, प्राजापत्यः वा, वसुकृत् वासुकः वा छन्दः आस्तारपङ्क्तिः 1-3, अनुष्टुप् 4-6
देवता इन्द्रः 1-3, अश्विनौ 4-6

इन्द्र सोममिमं पिब मधुमन्तं चमू सुतम् |
अस्मे रथिं नि धारय वि वो मदे सहस्रिणं पुरुवसो विवक्षसे || 1 ||
त्वां यज्ञोभिरुक्थैरुप हव्येभिरीमहे |
शचीपते शचीनां वि वो मदे श्रेष्ठं नो धेहि वार्यं विवक्षसे || 2 ||
यस्पतिर्वार्याणामसि रध्रस्य चोदिता |
इन्द्रं स्तोतृणामविता वि वो मदे द्विषो नः पाह्यंहसो विवक्षसे || 3 ||
युवं शक्रा मायाविना समीची निरमन्थतम् | विमदेन यदीळिता नासत्या निरमन्थतम् || 4 ||
विश्वे देवा अकृपन्त समीच्योर्निष्पतन्त्योः | नासत्यावब्रुवन् देवाः पुनरा वहतादिति || 5 ||
मधुमन्मे परायणं मधुमत्पुनरायनम् | ता नो देवा देवतया युवं मधुमतस्कृतम् || 6 ||

(11)

25

(म. 10, अनु. 2)

ऋषिः विमदः ऐन्द्रः, प्राजापत्यः वा, वसुकृत् वासुकः वा छन्दः आस्तारपङ्क्तिः देवता पवमानः सोमः

भद्रं नो अपि वातय मनो दक्षमुत क्रतुम् |
अर्धा ते सख्ये अन्धसो वि वो मदे रणन् गावो न यवसे विवक्षसे || 1 ||

हृदिस्पृशस्त आसते विश्वेषु सोम धामसु	
अथा कामा इमे मम् वि वो मदे वि तिष्ठन्ते वसूयवो विवक्षसे	॥ 2 ॥
उत व्रतानि सोम ते प्राहं मिनामि पाक्या	
अथा पितेव सूनवे वि वो मदे मृळा नो अभि चिद्वधाद्विवक्षसे	॥ 3 ॥
समु प्र यन्ति धीतयः सर्गासोऽवृताँइव	
क्रतुं नः सोम जीवसे वि वो मदे धारया चमसाँइव विवक्षसे	॥ 4 ॥
तव त्ये सोम शक्तिभिर्निकामासो व्यृण्विरे	
गृत्सस्य धीरास्तवसो वि वो मदे व्रजं गोमन्तमश्विनं विवक्षसे	॥ 5 ॥
पशुं नः सोम रक्षसि पुरुत्रा विष्टितं जगत्	
समाकृणोषि जीवसे वि वो मदे विश्वा संपश्यन्भुवना विवक्षसे	॥ 6 ॥
त्वं नः सोम विश्वतो गोपा अदाभ्यो भव	
सेधं राजन्नप स्त्रिधो वि वो मदे मा नो दुःशंस ईशता विवक्षसे	॥ 7 ॥
त्वं नः सोम सुक्रतुर्वयोधेयाय जागृहि	
क्षेत्रवित्तरो मनुषो वि वो मदे द्रुहो नः पाह्यंहसो विवक्षसे	॥ 8 ॥
त्वं नो वृत्रहन्तमेन्द्रस्येन्दो शिवः सखा	
यत्सीं हवन्ते समिथे वि वो मदे युध्यमानास्तोकसांतौ विवक्षसे	॥ 9 ॥
अयं घृ स तुरो मद इन्द्रस्य वर्धत प्रियः	
अयं कक्षीर्वतो महो वि वो मदे मतिं विप्रस्य वर्धयद्विवक्षसे	॥ 10 ॥
अयं विप्राय दाशुषे वाजाँ इयति गोमतः	
अयं सप्तभ्य आ वरं वि वो मदे प्रान्धं श्रोणं च तारिषद्विवक्षसे	॥ 11 ॥

(9)

26

(म. 10, अनु. 2)

ऋषिः विमदः ऐन्द्रः, प्राजापत्यः वा, वसुकृत् वासुकः वा	छन्दः उष्णिक् 1,4, अनुष्टुप् 2-3,5-9
देवता पूषा	

प्र ह्यच्छा मनीषाः स्पार्हा यन्ति नियुतः । प्र दुस्त्रा नियुद्रथः पूषा अविष्टु माहिनः	॥ 1 ॥
यस्य त्यन्महित्वं वाताप्यमयं जनः । विप्र आ वंसद्धीतिभिश्चिकेत सुष्टुतीनाम्	॥ 2 ॥
स वेद सुष्टुतीनामिन्दुर्न पूषा वृषा । अभि प्सुरः प्रुषायति व्रजं न आ प्रुषायति	॥ 3 ॥
मंसीमहिं त्वा वयमस्माकं देव पूषन् । मतीनां च सार्धनं विप्राणां चाध्वम्	॥ 4 ॥
प्रत्यर्धिर्यज्ञानामश्वहयो रथानाम् । ऋषिः स यो मनुर्हितो विप्रस्य यावयत्सखः	॥ 5 ॥
आधीर्षमाणायाः पतिः शुचायाश्च शुचस्य च । वासोवायोऽवीनामा वासांसि मर्मजत्	॥ 6 ॥
इनो वाजानां पतिरिनः पुष्टीनां सखा । प्र श्मश्रु हर्यतो दूधोद्वि वृथा यो अदाभ्यः	॥ 7 ॥
आ ते रथस्य पूषन्नजा धुरं ववृत्युः । विश्वस्यार्थिनः सखा सनोजा अनपच्युतः	॥ 8 ॥
अस्माकमूर्जा रथं पूषा अविष्टु माहिनः । भुवद्वाजानां वृध इमं नः शृणवद्ध्वम्	॥ 9 ॥

ऋषिःवसुक्रः ऐन्द्रः

छन्दः त्रिष्टुप्

देवता इन्द्रः

असत्सु मे जरितः साभिवेगो यत्सुन्वते यजमानाय शिक्षम्	
अनाशीर्दामहमस्मि प्रहन्ता संत्यध्वृतं वृजिनायन्तमाभुम्	॥ 1 ॥
यदीदहं युधये संनयान्यदेवयून् तन्वाः शूशुजानान्	
अमा ते तुम्रं वृषभं पंचानि तीव्रं सुतं पञ्चदशं नि षिञ्चम्	॥ 2 ॥
नाहं तं वेदु य इति ब्रवीत्यदेवयून्समरणे जघन्वान्	
यदावाख्यत्समरणमृघावदादिद्धं मे वृषभा प्र ब्रुवन्ति	॥ 3 ॥
यदज्ञातेषु वृजनेष्वासं विश्वे सतो मघवानो म आसन्	
जिनामि वेत्क्षेम आ सन्तमाभुं प्र तं क्षिणां पर्वते पादगृह्य	॥ 4 ॥
न वा उ मां वृजनै वारयन्ते न पर्वतासो यदहं मनस्ये	
मम स्वनात्कृधुकर्णो भयात् एवेदनु द्यून्किरणः समेजात्	॥ 5 ॥
दर्शन्वत्र शृतपां अनिन्द्रान्बाहुक्षदुः शरवे पत्यमानान्	
घृषुं वा ये निनिदुः सखायमध्यु न्वेषु पवयो ववृत्युः	॥ 6 ॥
अभूर्वोक्षीर्व्युं आयुरानुर्षुन्नु पूर्वो अपरो नु दर्षत्	
द्वे पवस्ते परि तं न भूतो यो अस्य पारे रजसो विवेष	॥ 7 ॥
गावो यवं प्रयुता अर्यो अक्षन् ता अपश्यं सहगोपाश्चरन्तीः	
हवा इदुर्यो अभितः समायन्कियदासु स्वपतिश्छन्दयाते	॥ 8 ॥
सं यद्वयं यवसादो जनानामहं यवाद उर्वज्रे अन्तः	
अत्रा युक्तोऽवसातारमिच्छादथो अयुक्तं युनजद्वन्वान्	॥ 9 ॥
अत्रेदु मे मंससे सत्यमुक्तं द्विपाञ्च यच्चतुष्पात्संसृजानि	
स्त्रीभिर्यो अत्र वृषणं पृतन्यादयुद्धो अस्य वि भजानि वेदः	॥ 10 ॥
यस्यानक्षा दुहिता जात्वास् कस्तां विद्वान् अभि मन्याते अन्धाम्	
कृत्तरो मेनिं प्रति तं मुचाते य ई वहाते य ई वा वरेयात्	॥ 11 ॥
कियती योषा मर्यतो वधूयोः परिप्रीता पन्यसा वार्येण	
भद्रा वधूर्भवति यत्सुपेशाः स्वयं सा मित्रं वनुते जनं चित्	॥ 12 ॥
पुत्तो जंगार प्रत्यञ्चमत्ति शीष्णा शिरः प्रति दधौ वरूथम्	
आसीन ऊर्ध्वामुपसिं क्षिणाति न्यङ्कुत्तानामन्वेति भूमिम्	॥ 13 ॥
बृहन्नच्छायो अपलाशो अर्वा तस्थौ माता विषितो अत्ति गर्भः	
अन्यस्या वत्सं रिहती मिमाय कया भुवा नि दधे धेनुरूधः	॥ 14 ॥
सप्त वीरासो अधरादुदायन्नष्टोत्तरात्तात्समजगिरन् ते	
नवं पश्चातात्स्थिविमन्त आयन् दश प्राक्सानु वि तिरन्त्यश्रः	॥ 15 ॥
दशानामेकं कपिलं समानं तं हिन्वन्ति क्रतवे पार्याय	

गर्भं माता सुधितं वृक्षणास्ववेनन्तं तुषयन्ती बिभर्ति	॥ 16 ॥
पीवानं मेषमपचन्त वीरा न्युप्ता अक्षा अनु दीव आसन्	
द्वा धनुं बृहतीमप्स्वन्तः पवित्रवन्ता चरतः पुनन्ता	॥ 17 ॥
वि क्रोशनासो विष्वञ्च आयन् पचाति नेमो नहि पक्षदुर्धः	
अयं मे देवः सविता तदाह द्वन्न इन्द्रनवत्सुर्पिरन्नः	॥ 18 ॥
अपश्यं ग्रामं वहमानमारार्दचक्रया स्वधया वर्तमानम्	
सिषक्त्युर्यः प्र युगा जनानां सद्यः शिश्रा प्रमिनानो नवीयान्	॥ 19 ॥
एतौ मे गावौ प्रमुरस्य युक्तौ मो षु प्र संधीर्मुहुरिन्ममन्धि	
आपश्चिदस्य वि नशन्त्यर्थं सूरश्च मर्क उपरो बभूवान्	॥ 20 ॥
अयं यो वज्रः पुरुधा विवृत्तोऽवः सूर्यस्य बृहतः पुरीषात्	
श्रव इदेना परो अन्यदस्ति तदव्यथी जरिमाणस्तरन्ति	॥ 21 ॥
वृक्षेवृक्षे नियता मीमयद्रौस्ततो वयः प्र पतान्पूरुषादः	
अथेदं विश्वं भुवनं भयात् इन्द्राय सुन्वदृषये च शिक्षत्	॥ 22 ॥
देवानां माने प्रथमा अतिष्ठन् कृन्तत्रादिषामुपरा उदायन्	
त्रयस्तपन्ति पृथिवीमनूपा द्वा बृबूकं वहतः पुरीषम्	॥ 23 ॥
सा ते जीवातुरुत तस्य विद्धि मा स्मैतादृगप गूहः समर्ये	
आविः स्वः कृणुते गूहते ब्रुसं स पादुरस्य निर्णिजो न मुच्यते	॥ 24 ॥

(12)

28

(म. 10, अनु. 2)

ऋषिः इन्द्रस्तुषा वसुकपली 1, इन्द्रः 2, 6, 8, 10, 12, वसुकः ऐन्द्रः 3-5, 7, 9, 11	छन्दः त्रिष्टुप्
देवता इन्द्रः 1, 3-5, 7, 9, 11, ऐन्द्रः वसुकः 2, 6, 8, 10, 12	

विश्वो ह्येन्यो अरिराजगाम ममेदह श्वशुरो ना जगाम	
जक्षीयाद्धाना उत सोमं पपीयात्स्वाशितः पुनरस्तं जगायात्	॥ 1 ॥
स रोरुवद्वृषभस्तिग्मशृङ्गो वर्ष्मन्तस्थौ वरिमन्ना पृथिव्याः	
विश्वेष्वेनं वृजनेषु पामि यो मे कुक्षी सुतसौमः पृणाति	॥ 2 ॥
अद्रिणा ते मन्दिन इन्द्र तूयान्तसुन्वन्ति सोमान्पिबसि त्वमेषाम्	
पचन्ति ते वृषभां अत्सि तेषां पृक्षेण यन्मघवन्हूयमानः	॥ 3 ॥
इदं सु मे जरितरा चिकिद्धि प्रतीपं शापं नृद्यौ वहन्ति	
लोपाशः सिंहं प्रत्यञ्चमत्साः क्रोष्टा वराहं निरतक्त कक्षात्	॥ 4 ॥
कथा त एतदहमा चिकेतं गृत्सस्य पाकस्तवसो मनीषाम्	
त्वं नो विद्वां ऋतुथा वि वोचो यमर्धं ते मघवन् क्षेम्या धूः	॥ 5 ॥
एवा हि मां तवसं वर्धयन्ति दिवश्चिन्मे बृहत उत्तरा धूः	
पुरू सहस्रा नि शिशामि साकमशत्रुं हि मा जनिता जजान	॥ 6 ॥
एवा हि मां तवसं जज्ञुरुग्रं कर्मन्कर्मन्वृषणमिन्द्र देवाः	

वधीं वृत्रं वज्रेण मन्दसानोऽपं वृजं महिना दाशुषै वम्	॥ 7 ॥
देवासं आयन्परशूरं बिभ्रन् वनां वृश्चन्तो अ॒भि वि॒ड्भिरायन्	
नि सुद्वं॑ दधतो व॒क्षणासु यत्रा कृपी॑टमनु तद्दहन्ति	॥ 8 ॥
शशः॑ क्षुरं प्रत्यञ्चं॑ जगाराद्रिं॑ लोगेन् व्यभेदमारात्	
बृहन्तं॑ चिदहते रन्धयानि॑ वयद्वत्सो वृष॑भं शूशुवानः	॥ 9 ॥
सुपूर्णं॑ इत्था नुखमा सि॒षायाव॑रुद्धः परिपदं न सिंहः	
निरुद्धश्चि॑न्महिषस्तर्ष्यावान् गोधा तस्मा॑ अयथं कर्षदेतत्	॥ 10 ॥
तेभ्यो॑ गोधा अयथं कर्षदेतद्ये ब्रह्मणः॑ प्रतिपीयन्त्यत्रैः	
सिम उ॒क्ष्णोऽवसृष्टां॑ अदन्ति स्वयं बलानि तन्वः॑ शृणानाः	॥ 11 ॥
एते शमी॑भिः सुशमी॑ अभूवन् ये हि॒न्विरे॑ तन्वः॑ सोमं उ॒क्थैः	
नृवद्वद्वनुपं॑ नो माहि वाजान् दिवि श्रवो॑ दधिषे नाम वीरः	॥ 12 ॥

(8)

29

(म. 10, अनु. 2)

ऋषिःवसुक्रः ऐन्द्रः	छन्दः त्रिष्टुप्	देवता इन्द्रः
---------------------	------------------	---------------

वने न वा यो न्य॒धायि चा॑कञ्छुचि॒र्वा स्तोमो॑ भुरणावजीगः	
यस्येदिन्द्रः॑ पुरुदिनेषु होता नृणां नर्यो नृतमः क्षपावान्	॥ 1 ॥
प्र ते॑ अस्या उ॒षसः॑ प्रापरस्या नृतौ स्याम॑ नृतमस्य नृणाम्	
अनु॑ त्रि॒शोकः॑ शतमावह॒नृन्कुत्से॑न रथो यो असत्सस्वान्	॥ 2 ॥
कस्ते॑ मद इन्द्र रन्त्यो भूदुरो गिरौ अ॒भ्यु॑ग्रो वि धाव	
कद्वाहो॑ अ॒र्वागुपं॑ मा मनीषा आ त्वा शक्यामुपमं राधो अत्रैः	॥ 3 ॥
कदु॑ द्युम्रमिन्द्र त्वावतो नृन्कया धिया करसे कन्न आगन्	
मित्रो न सत्य उरुगाय भृत्या अत्रै॑ समस्य यदसन्मनीषाः	॥ 4 ॥
प्रेरय॑ सूरौ अर्थं न पारं ये अस्य कामं॑ जनिधाइव गमन्	
गिरंश्च॑ ये ते॑ तुविजात पूर्वीरं॑ इन्द्र प्रतिशिक्षन्त्यत्रैः	॥ 5 ॥
मात्रे॑ नु ते सुमि॒ते इन्द्र॑ पूर्वी द्यौर्मज्मना पृथिवी काव्येन	
वराय॑ ते घृतवन्तः सुतासः॑ स्वाद्वन्भवन्तु पीतये मधूनि	॥ 6 ॥
आ मध्वो॑ अस्मा असिच॒न्नम॑त्रमिन्द्राय पूर्णं स हि सत्यराधाः	
स वा॑वृधे वरि॒मन्ना पृथि॑व्या अ॒भि क्र॑त्वा नर्यः पौ॒स्यैश्च॑	॥ 7 ॥
व्या॑नळिन्द्रः पृतनाः स्वोजा आस्मै॑ यतन्ते सुख्याय पूर्वीः	
आ स्मा॑ रथं न पृतनासु तिष्ठ यं भद्रया॑ सुमत्या चोदयासे	॥ 8 ॥

ऋषिः कवषः ऐलूषः

छन्दः त्रिष्टुप्

देवता आपः अपानपात् वा

प्र देवत्रा ब्रह्मणे गातुरैत्वपो अच्छा मनसो न प्रयुक्ति	
महीं मित्रस्य वरुणस्य धासिं पृथुञ्जयसे रीरधा सुवृक्तिम्	॥ 1 ॥
अध्वर्यवो हविष्मन्तो हि भूताच्छाप इतोशतीरुशन्तः	
अव याश्चष्टै अरुणः सुपर्णस्तमास्यध्वमूर्मिमद्या सुहस्ताः	॥ 2 ॥
अध्वर्यवोऽप इता समुद्रमपां नपातं हविषा यजध्वम्	
स वो दददूर्मिमद्या सुपूतं तस्मै सोमं मधुमन्तं सुनोत	॥ 3 ॥
यो अनिध्मो दीदयदुप्स्वश्न्तर्यं विप्रासु ईळते अध्वरेषु	
अपां नपान्मधुमतीरपो दा याभिरिन्द्रो वावृधे वीर्याय	॥ 4 ॥
याभिः सोमो मोदते हर्षते च कल्याणीभिर्युवतिभिर्न मर्याः	
ता अध्वर्यो अपो अच्छा परेहि यदासिञ्चा ओषधीभिः पुनीतात्	॥ 5 ॥
एवेद्यूनै युवतयो नमन्तु यदीमुशन्नुशतीरेत्यच्छ	
स जानते मनसा सं चिकित्रेऽध्वर्यवो धिषणापश्च देवीः	॥ 6 ॥
यो वो वृताभ्यो अकृणोदु लोकं यो वो मद्या अभिशस्तेरमुञ्चत्	
तस्मा इन्द्राय मधुमन्तमूर्मिं देवमार्दनं प्र हिणोतनापः	॥ 7 ॥
प्रास्मै हिनोतु मधुमन्तमूर्मिं गर्भो यो वः सिन्धवो मध्व उत्सः	
घृतपृष्टमीड्यमध्वरेष्वापो रेवतीः शृणुता हवं मे	॥ 8 ॥
तं सिन्धवो मत्सरमिन्द्रपानमूर्मिं प्र हैतु य उभे इर्यति	
मदुच्युतमौशानं नभोजां परि त्रितन्तुं विचरन्तमुत्सम्	॥ 9 ॥
आवर्वीततीरधु नु द्विधारा गोषुयुधो न नियवं चरन्तीः	
ऋषे जनित्रीर्भुवनस्य पत्नीरपो वन्दस्व स्वृधः सयोनीः	॥ 10 ॥
हिनोता नो अध्वरं देवयज्या हिनोतु ब्रह्म सनये धनानाम्	
ऋतस्य योगे वि ष्वध्वमूधः श्रुष्टीवरीर्भूतनास्मभ्यमापः	॥ 11 ॥
आपो रेवतीः क्षयथा हि वस्वः क्रतुं च भद्रं बिभृथामृतं च	
रायश्च स्थ स्वपत्यस्य पत्नीः सरस्वती तद्वृणते वयो धात्	॥ 12 ॥
प्रति यदापो अदृश्रमायतीर्घृतं पयांसि बिभ्रतीर्मधूनि	
अध्वर्युभिर्मनसा संविदाना इन्द्राय सोमं सुषुतं भरन्तीः	॥ 13 ॥
एमा अगमन्नेवतीर्जीवधन्या अध्वर्यवः सादयता सखायः	
नि बर्हिषि धत्तन सोम्यासोऽपां नत्सा संविदानास एनाः	॥ 14 ॥

आग्मुत्राप उशतीर्बहिरेदं न्यध्वरे असदन्देवयन्तीः |
अध्वर्यवः सुनुतेन्द्राय सोममभूदु वः सुशका देवयज्या || 15 ||

(11)

31

(म. 10, अनु. 3)

ऋषिः कवषः ऐलूषः

छन्दः त्रिष्टुप्

देवता विश्वे देवाः

आ नो देवानामुप वेतु शंसो विश्वेभिस्तुरैरवसे यजत्रः |
तेभिर्वयं सुषखायो भवेम तरन्तो विश्वा दुरिता स्याम || 1 ||
परि चिन्मर्तो द्रविणं ममन्यादृतस्य पथा नमसा विवासेत् |
उत स्वेन क्रतुना सं वदेत् श्रेयांसं दक्षं मनसा जगृभ्यात् || 2 ||
अधायि धीतिरसंसृग्रमंशास्तीर्थे न दुस्ममुप यन्त्यूमाः |
अभ्यानश्म सुवितस्य शूषं नवेदसो अमृतानामभूम || 3 ||
नित्यंश्चाकन्यात्स्वपतिर्दमूना यस्मा उ देवः सविता जजान |
भगो वा गोभिर्यमेमनज्यात्सो अस्मै चारुश्छदयदुत स्यात् || 4 ||
इयं सा भूया उषसामिव क्षा यद्ध क्षुमन्तः शर्वसा समायन् |
अस्य स्तुतिं जरितुर्भिक्षमाणा आ नः शग्मास उप यन्तु वाजाः || 5 ||
अस्येदेषा सुमतिः पप्रथानाभवत्पूर्व्या भूमना गौः |
अस्य सनीळा असुरस्य योनौ समान आ भरणे बिभ्रमाणाः || 6 ||
किं स्विद्वनं क उ स वृक्ष आस यतो द्यावापृथिवी निष्टतक्षुः |
संतस्थाने अजरे इतऊती अहानि पूर्वीरुषसो जरन्त || 7 ||
नैतावदेना पुरो अन्यदस्त्युक्षा स द्यावापृथिवी बिभर्ति |
त्वचं पवित्रं कृणुत स्वधावान्यदीं सूर्यं न हरितो वहन्ति || 8 ||
स्तेगो न क्षामत्येति पृथ्वीं मिहं न वातो वि हं वाति भूमं |
मित्रो यत्र वरुणो अज्यमानोऽग्निर्वने न व्यसृष्ट शोकम् || 9 ||
स्त्रीर्यत्सूत सद्यो अज्यमाना व्यथिरव्यथीः कृणुत स्वगौपा |
पुत्रो यत्पूर्वः पित्रोर्जनिष्ट शम्यां गौर्जगार यद्ध पृच्छान् || 10 ||
उत कर्षं नृषदः पुत्रमाहुरुत श्यावो धनमादत्त वाजी |
प्र कृष्णाय रुशदपिन्वतोर्धर्तृमत्र नकिरस्मा अपीपेत् || 11 ||

(9)

32

(म. 10, अनु. 3)

ऋषिः कवषः ऐलूषः

छन्दः जगती 1-5 त्रिष्टुप् 6-9

देवता विश्वे देवाः

प्र सु गमन्ता धियसानस्य सक्षणि वरेभिर्वरां अभि षु प्रसीदतः |
अस्माकमिन्द्र उभयं जुजोषति यत्सोम्यस्यान्धसो बुबोधति || 1 ||
वीन्द्र यासि दिव्यानि रोचना वि पार्थिवानि रजसा पुरुष्टुत |

ये त्वा वहन्ति मुहुरध्वरां उप ते सु वन्वन्तु वग्वनां अराधसः	॥ 2 ॥
तदिन्मे छन्त्सद्वपुषो वपुष्टरं पुत्रो यज्जानं पित्रोरधीयति	
जाया पतिं वहति वग्वनां सुमत्पुंस इद्द्रो वहतुः परिष्कृतः	॥ 3 ॥
तदित्सधस्थमभि चारु दीधय गावो यच्छासन्वहतुं न धेनवः	
माता यन्मन्तुर्युथस्य पूर्व्याभि वाणस्य सप्तधातुरिञ्जनः	॥ 4 ॥
प्र वोऽच्छा रिरिचे देव्युष्मदमेको रुद्रेभिर्याति तुर्वणिः	
जरा वा येष्वमृतैषु दावने परि व ऊमैभ्यः सिञ्चता मधुं	॥ 5 ॥
निधीयमानमपगूळहमप्सु प्र मे देवानां व्रतपा उवाच	
इन्द्रो विद्वां अनु हि त्वा चक्ष तेनाहमग्रे अनुशिष्ट आगाम्	॥ 6 ॥
अक्षेत्रविक्षेत्रविदं ह्यप्राट् स प्रैति क्षेत्रविदानुशिष्टः	
एतद्वै भद्रमनुशासनस्योत स्रुतिं विन्दत्यञ्जुसीनाम्	॥ 7 ॥
अद्येदु प्राणीदममन्निमाहापीवृतो अधयन्मातुरुधः	
एमेनमाप जरिमा युवानमहेळन्वसुः सुमना बभूव	॥ 8 ॥
एतानि भद्रा कलश क्रियाम् कुरुश्रवण ददतो मघानि	
दान इद्वो मघवानुः सो अस्त्वयं च सोमो हृदि यं बिर्भमि	॥ 9 ॥

| इति सप्तमाष्टके सप्तमोऽध्यायः समाप्तः ।